

आकाशवाणी

खास-खास खबरां:-

1. प्रधानमंत्री नरेन्द्र मोदी होर अज्ज बड्डलै 11 बजे आकाशवाणी राएं “मन की बात” कार्यक्रम च अपने विचार सांझा करडन।
2. ऑपरेशन सिंदूर दौरान भारतीय नौसेना नै पाकिस्तानी नौसेना गी अपनी बंदरगाहें च सिमत रौहने आस्तै मजबूर करी दिता- आखेआ रक्षामंत्री राजनाथ सिंह होरें।
3. म्यामार दे राष्ट्रपति होर 5-रोजा भारत दौरै पर नमीं दिल्ली पुज्जे। महाबोधी मंदर च पूजा-अर्चना कीती।
4. सरकारै कल्लै थमां शुरु होआ रदे पखवाड़े थमां पैहले पेट्रोल- डीजल ते विमान ईंधन दे निर्यात शुल्क च संशोधन कीता।
5. मौसम विभाग नै केरलम- माहे- तमिलनाडू- पुदुचेरी ते कराईकल च बुधवारें तगर भारी बरखा दी पेशगोई कीती।
6. ते आई.पी.एल क्रिकेट दे फाईनल च अज्ज अहमदाबाद दे नरेन्द्र मोदी स्टेडियम च मौजूदा चैम्पियन रॉयल चैलेन्जर्स बेंगलूरु दा सामना गुजरात टाइटन्स कन्नै होग।

<><><><><><>

PM-MKB

प्रधानमंत्री नरेन्द्र मोदी होर अज्ज ऐतवारें दिनै 11 बजे आकाशवाणी दे अपने ‘मन की बात’ कार्यक्रम राएं देश-बदेश च रौहने आहले लोकें कन्नै बचार सांझे करडन। एह इस माहवार रेडियो कार्यक्रम दी 134मीं किष्ट होग, जेहदा प्रसारण आकाशवाणी ते दूरदर्शन दे समूलचे नेटवर्क उप्पर कीता जाग। एहदे अलावा प्रधानमंत्री हुं दे दफ्तर, सूचना ते प्रसारण मंत्रालय ते आकाशवाणी ते दूरदर्शन दे यू-ट्यूब चैनलें पर बी एहदा प्रसारण होग। इस कार्यक्रम गी आकाशवाणी खबरें दी वैबसाइट www.newsonair.com ते newsonair मोबाईल ऐप्प पर बी प्रसारित कीता जाग।

आकाषवाणी आसेआ हिंदी प्रसारण दे तुरत मगरा, एहदा इलाकाई भाशाएं च अनुवाद बी प्रसारण कीता जाहग। इलाकाई भाशाएं च एहदा अनुवाद प्रसारण रातीं 8 बजे परतियै बी प्रसारत होग।

<><><><><><>

Rajnath Operation Sindoor

रक्षामंत्री राजनाथ सिंह होरें आखेआ ऐ जे भारतीय नौसेना नै ऑपरेशन सिंदूर दौरान पूरी पाकिस्तानी नौसेना गी ओदी बंदरगाहें तगर गै सीमित रोहने आस्तै मजबूर करी दिता हा। लखनऊ च नौसेना शौर्य वाटिका दे उदघाटन च रक्षामंत्री होरें आखेआ जे ऑपरेशन सिंदूर दौरान पाकिस्तान पर दबा बनाने च नौसेना नै महत्वपूर्ण भूमिका निभाई ऐ। एह शौर्य वाटिका खुला नौसेना संग्रहालय ऐ। सिंह होरें दस्सेआ जे नौसेना गी दुश्मन पर लगातार दबाव बनाई रखने आस्तै पूरी ताकत ते तयारी कन्नै अरब सागर च तैनात कीता गेदा हा। एदे नतीजे च पाकिस्तान दी पूरी नौसेना ओदी बंदरगाहें तगर गै सिमटी गई। पहलगाम आतंकवादी हमले दा बदला लैने आस्तै पिछले बरे 7 मई गी ऑपरेशन सिंदूर शुरू कीता गेआ हा। इस दौरान भारतीय सेना नै पाकिस्तान च ते ओदे कब्जे आहले कश्मीर च कई आतंकवादी ठिकाने पर अचूक हमले कीते हे। नौसेना प्रमुख एडमिरल दिनेश के. त्रिपाठी होरें आखेआ जे ऑपरेशन सिंदूर दौरान भारतीय नौसेना नै युद्ध आस्तै तयारी- फुर्ती- सैन्य संचालन ते प्रतिरोधी क्षमताएं दा प्रदर्शन कीता।

<><><><><><>

Myanmar –Prez

म्यांमा दे राष्ट्रपति U Min Aung Hlaing 5 दिनें दी भारत यात्रा पर कल संजा नमीं दिल्ली पुज्जे। केन्द्रीय विदेशमंत्री कीर्ति वर्धन सिंह होरें हवाई अड्डे पर उन्दा सोआगत कीता। एदे थमां पैहले राष्ट्रपति होर बिहार गए ते गया दे महाबोधि मंदर च पूजा-अर्चना कीती। विदेश मंत्री डाक्टर एस. जयशंकर होरें कल संजा Hlaing हुंदे कन्नै मलाटी कीती। डाक्टर जयशंकर होरें लम्मी अवधि आहले दपकखी सहयोगल गी होर मजबूत करने आस्तै म्यांमा दे राष्ट्रपति हुंदे सकारात्मक नजरिए दी सराहना कीती।

म्यांमा दे राष्ट्रति कल प्रधानमंत्री नरेन्द्र मोदी हुंदे कन्नै मलाटी करडन ते दौनें मुल्खें दे ऐतिहिसक ते सभ्यतागत सरबंधें गी मज़बूत करने पर चर्चा करडन। राष्ट्रपति होर मंगवारें मुम्बई जाडन।

<><><><><><>

Naidu- Skycast

केन्द्रीय नागरिक उड्डयन मंत्री राम मोहन नायडू होरें नमीं दिल्ली च इंदिरा गांधी अंतराष्ट्रीय हवाई अड्डे पर स्काई कास्ट सिस्टम दे शुरु होने दी सराहना कीती ऐ। सोशल मीडिया दी पोस्ट च नायडू होरें आखेआ जे स्काई कास्ट जनेई उन्नत मौसम निगरानी प्रणालियें थमां कोहरें ते विक्षोभ जनेह होर दुए व्यवधानें दौरान डोआरिएं दे संचालन च महत्वपूर्ण सुधार होई सकदा ऐ। उंनें आखेआ जे जियां-जियां मुख्य दे होर हवाई अड्डे तगर इस प्रोद्योगिकी दा विस्तार कीता जाहग- यात्रिएं आस्तै सुरक्षा ते यात्रा अनुभव होर मजबूत होग।

<><><><><><>

Pak- ISI Network

दिल्ली पुलस दे विशेष सीगे नै पाकिस्तान दी ISI ते मुम्बई बदनाम Underworld नैटवर्क आस्तै कम्म करा'रदे 8 आरोपिएं गी गिरफ्तार कीता ऐ। स्पेशल सेल दे विशेष पुलस आयुक्त अनिल शुक्ला होरें संवाददाताएं गी दस्सेआ जे इनें आरोपिएं गी दिल्ली च महत्वपूर्ण ठकाने ते सुरक्षाकर्मियें पर हमले पर दा कम्म सौंपेआ गोदा हा। उंदे थमां हथियार ते विस्फोटक बरामद कीते गे न। शुक्ला होरें दस्सेआ जे बन्ने पार बैठे दे अपराधियें दे निर्देश पर एह लोक कम्म करा'रदे हे ते इनें'गी दिल्ली ते महाराष्ट्र थमां गिरफ्तार कीता गेआ ऐ।

<><><><><><>

Centre Expert

केन्द्र सरकारै कल्लै थमां शुरु होआ रदे पखवाड़े लेई पेट्रोल- डीजल ते विमान ईंधन दे निर्यात शुल्क च संशोधन कीता ऐ। एह गैह पच्छिम एशिया संकट करी पैदा यक्को-तक्की दे दरम्यान घरेलू स्तरै पर पेट्रोलियम उत्पादें दी सुद्दी उपलब्धता जकीनी बनाने दे मकसद कन्नै पुट्टी गई ऐ।

<><><><><><>

Govt. Custom Duties

सरकार नै पैहली जून थमां 31 अक्टूबर तगर कपास आयात पर सीमा शुल्क थमां अस्थायी छूट देने दा फैसला कीता ऐ। वस्त्र मंत्रालय दी अधिसूचना मूजब एह फैसला कपाह करसानें ते समूलची कपाह मूल्य श्रृंखला दे हित च कीता गेआ ऐ। कपास दे ऑफ सीजन दौरान इस उपास कन्नै कपड़ा उद्योग आस्तै लोड़चदी मात्रा च कपास उपलब्ध रहोग। एदे कन्नै लौहके- भलेआ लौहके ते दर्मयानें दर्जे दे उद्यमैं गी राहत थहोग- लागत घट्ट होग ते भारतीय कपड़ा बजार दी मुकाबलेबाजी मज़बूत होग। कपड़ा मंत्रालय नै आखेआ जे इस उपास कन्नै करसानें दे हितें दी सुरक्षा होग ते बजारें दी स्थिरता यकीनी बनोग।

<><><><><><>

Yadav- LG Meet

मध्य प्रदेश दे मुखमंत्री डाक्टर मोहन यादव होरें कल लोक भवन श्रीनगर च प्रदेश दे उपराज्यपाल मनोज सिंहा हुंदे कन्नै मलाटी लाइयै बक्ख-बक्ख विकास मामलें पर गल्लकत्थ कीती। केन्द्र शासित प्रदेश दे अपने दौरै दौरान- डाक्टर यादव होरें हाल च गै श्री माता वैष्णो देवी दा बी दौरा लाया- तां जे उत्थुआं दे प्रबंधन सरिस्ते ते यात्रुएं गी उपलब्ध करोआई जा करदी सहूलतें दा जायजा लैता जाई सकै। उंनै आला अफसरें दी मौजूदगी च सुरक्षा- सफाई-सुथराई- CCTV निगरानी ते तकनीक कन्नै चलने आहलियें सेवाएं सरबन्धी प्रबंधें दी बी समीक्षा कीती।

इस दौरै दा मकसद हाल च गै हाई कोर्ट दे फैसले मगरा मां वाग देवी मंदर दे विकास लेई मध्य-प्रदेश च अपनाए जाई सकने आहले श्राइन बोर्ड दे प्रशासनिक मॉडल ते भीड़ प्रबंधन दे तरीकें दी जांच करना हा।

<><><><><><>

Satish-VaishnavVisit

ट्रांस्पोर्ट मंत्री सतीश शर्मा होरें कल केन्द्री रेल मंत्री अश्विनी वैष्णव हुंदे कन्नै मलाटी लाई ते राजौरी ते पुंछ सरहदी जिलें च रेल राबितें दी जोरदार वकालत कीती। उ'नें प्रस्तावित जम्मू-अखनूर-डोरी-डगेर-सुंदरबनी-नौशैहरा-राजौरी- पुंछ रेल कॉरिडोर पर पहल दी बिनाह पर बचार करने दी अपील कीती ते इस इलाके तांई एदे रणनीतिक माली ते समाजी महत्व पर जोर पाया। श्री शर्मा होरें परियोजना लेई इक्क नमें मुम्मकन अध्ययन ते राश्ट्री प्राथमिकता दर्जे दी प्रार्थना कीती। उ'नें जम्मू-कश्मीर च IT पार्क- इनक्यूबेशन सेंटर ते दूर-दरेडे इलाकें च इंटरनेट सनें बेहतर डिजिटल ढांचे दी बी मंग कीती। केन्द्री मंत्री होरें भरोसा दोआया जे बैठक दौरान पुट्टी गेदी मंगें ते होर दुइयें चैंताएं पर हमदर्दी कन्नै बचार कीता जाहग।

<><><><><><>

Weather

केरलम- माहे- तमिलनाडू- पुदुचेरी ते कराईकल च बुधवार धोड़ी तेज बखा दा अनुमान ऐ। मौसम विभाग नै ओडीशा- कर्नाटक- मध्य प्रदेश ते देसै दे उत्तर पूर्वी हिस्सें च बी कल्लै तोड़ी तेज बरखा दी शेंका जाहर कीती ऐ। पूर्वी राजस्थान- गुजरात- हिमाचल प्रदेश- उत्तराखंड ते विदर्भ च किश थाहरें पर अज्ज बरखा दे कन्नै बिजली पौने ते ऐन-गड़ा पौने दी मती शेंका ऐ। दिल्ली- हरियाणा ते चंडीगढ़ च कल्लै धोड़ी किश थाहरें पर शमानी बिजली पौने ते अंधी-झक्खड़ चलने दे असार न। कोंकण ते गोवा च अज्ज गर्म ते हुमस भरोसा मौसम रौहने दा अंदाजा ऐ। अगले दंऊ दिन राजस्थान च किश थाहरें पर अंधी-झक्खड़ चली सकदा ऐ।

<><><><><><>

IPL Final

आई.पी.एल क्रिकेट च अज्ज अहमदाबाद दे नरेन्द्र मोदी स्टेडियम च इस सीज़न दे फाईनल च मजूदा चैम्पियन रॉयल चैलेन्जर्स बेंगलूरु दा मुकाबला गुजरात टाईटन्स कन्नै होग। एह मैच संज्रा साइडे 7 बजे शा खेड्ढेआ जाहग। इस प्रतियोगिता च RCB दी बल्लेबाजी बड़ी गै तगड़ी रेही ऐ ते विराट कोहली इस बल्लेबाजी क्रम च बड़ी अहम भूमिका निभा करदे न। तोंआई गेंदबाज़ी च भुवनेश्वर कुमार ते जोश हेज़लवुड ते नमीं गेंद दे कन्नै शानदार प्रदर्शन कीता ऐ। तोंआई गुजरात टाईटन्स दे प्रदर्शन दा सारा ज़िम्मा उन्दे महत्वपूर्ण बल्लेबाजें जिआं कप्तान शुभमन गिल- साई सुदर्शन ते Jos Buttler सनै हरफनमौला खड्ढारी Jason Holder पर बी होग।

<><><><><><>